

ସୂପଛାନ୍ଦା ।

ଶ୍ରୀମନ୍ତ୍ରୀକୂମାର ବନ୍ଦ୍ୟୋପାଧ୍ୟାୟ

ଡି, ଏମ, ଲାଇବ୍ରେରୀ

୭୧, ବର୍ଗଓରାଲିସ ଟ୍ରୀଟ, କଲିକତା।

প্রকাশক
শ্রীগোপালদাস মজুমদার
ডি, এম, লাইব্রেরী
৩১, কর্ণওয়ালিস স্ট্রীট, কলিকাতা ।

১ম প্রকাশ
শ্রীম. ১৩৩৯.
[অন্যান্য লেখকের সংস্কৃত]

মুদ্রাকর
শ্রীসিদ্ধেশ্বর গঙ্গোপাধ্যায়
গোলাপ প্রিন্টিং ওয়ার্কস
১২, হরীতকী বাগান, কলিকাতা

স্বাখালী, নক্সীকাখার মাঠ,
বালুচর ও ধানখেতের কবি
জসীম-দার করকমলে ।

পাঁচ ছয়টি ব্যতীত 'ধূপছায়া'র আর সবগুলি কবিতাই আমার নূতন লেখা। যেগুলি সমালোচক মহাশয়গণের লেখনীতে খুবই তীব্রভাবে সমালোচিত হয়েছিল, তারও কয়েকটিকে স্থান দিতে বাধ্য হয়েছি কবিবন্ধুদের একান্ত অনুরোধে। কবিতাকে যারা বৈজ্ঞানিকের মতো টুকুরো টুকুরো ক'রে দেখবেন তাঁদের কাছে এর কি অবস্থা হবে জানি না, তবে সাধারণ মনকে যদি এক মুহূর্তের তরেও আনন্দ দিতে পারি, সেই হবে আমার চরম সার্থকতা এবং পরম আনন্দ।

প্রচ্ছদপটের রূপ দিয়েছেন অখিল নিয়োগী মহাশয় এবং ভিতরের ছবিটি এঁকেছেন আমারই এক বন্ধু। গান তিনখানির সুরের দিক দিয়ে সুহৃৎসর আব্বাস উদ্দীন আমেদ সাহায্য করেছেন যথেষ্ট। তাঁরই অনুরোধে সুরের নামগুলি উল্লেখ করলাম না।

'ধূপছায়া'র জন্ম সত্যিই অনেকের কাছে ঋণী রইলাম।

ফাল্গুন, ১৩৩৯

১, গোয়াবাগান লেন,

কলিকাতা

কাঁচা হাতের লেখা একটি কবিতার খাতার শেষ পাতার শিল্পীগুরু একদিন কিশোর কবির পরিচয়ের সাথে আশীর্বাণীটুকু মিথে দিয়েছিলেন—

শ্রীমান্ সরিৎকুমার বন্দ্যোপাধ্যায় বাংলার কবি জসীমউদ্দীনের বন্ধু । শ্রীমান্ নতুন কবি, কল্পনাদেবীর একজন নতুন সেবক ।

সেবদেবীর সেবায় কাঁচা ফুল ফল যখন লাগতে পারে তখন এই কাঁচা লেখকেরও নৈবেদ্য নিবেদনের উপর কাব্যলক্ষ্মী তাঁর প্রসন্ন দৃষ্টি দেবেন এইরূপ আশা আমি করিছি ।

আমিও একদিন নতুন চিত্রকর, নতুন লেখক ছিলাম, সে দিনের আশা নিরাশা, দুঃখ ভয় সবই আমার জানা হয়েছে ; সেইজন্য নতুন কবির, নতুন চিত্রকরদের উপর আমার দরদ আছে । সেই দরদের চক্ষে এই কবিতা যদি সকলে দেখেন তবে আর গোল থাকে না । কিন্তু ভিন্নরুচি, ভিন্নচোদা, ভিন্নমত সবাই ;—সেইজন্য ভয় হয় নতুন কবির কচিপাতার মাগদাম তারা ছিন্নভিন্ন না করে ।

শ্রীঅবনান্দ্রনাথ ঠাকুর



ধূপছায়া
পাহাড়িরা নদী
দেবদাসী
চতুর্দশীর টাঁদ
পাগলী
সাথী
কুষণ-ব'য়ের গান
ভুল
পরিচয়
কনক টাঁপা
কুঁড়ির ভিতর কাঁদিয়ে গন্ধ
হায়, ভুলিতে হয়
বিলাসিনী প্রেম
গোম্, আসে 'ওই
মুসালীর
অবুঝ
দেওয়ালী
আমি শুধু গাই কামনার যত গান
নদী ও তারা
মুক্তি
থানে ছুঁখের রাতে
মেঠো সুর (গান)
বিরহী .
স্মৃতি .
ভাইবোন

ধূপছায়া

আমা হ'তে তুমি বহুদূরে আজ ভাই,
তোমা বুকে আজ নিবে গেছি আমি—এতটুকু আর নাই।
আঁধার রজনী পোহায়েছে তব নিবায়ে দিয়েছ দীপ,
ছিঁড়িয়া ফেলেছ রাতের মালায়, মুছিয়া ফেলেছ টিপ।

সে দীপের শিখা হ'য়ে

ছ'লেছিলু তব অমাবস্যায় একা ও বন্ধে র'য়ে।
সে মালার ফুলে—কবরীর ড্রাণে—তালের সে টিপ সনে
জেগে র'য়েছিলু বহুখণ ধ'রে একাকী একটি জনে।

তারপরে নবপ্রাতে,

দাঁড়ায়েছ তুমি সোনার আলোয় নব-অতিথির সাথে।
কপালে তখন নূতন করিয়া প'রেছ কাজল টিপ,
ভোরের আলোয় ফেলিয়া দিয়াছ রাতের নেবানো দীপ।
ঠোঁটের কোণায় নূতন করিয়া মেহেদীর রঙ মেখে,
মোর অতৃপ্ত বাসনার ছায়া আপনি দিয়েছ ঢেকে।

নূতন কাঁচলী বেঁধেছ নূতন ক'রে,

রাতের পরশ কুমুদের মতো প্রভাতে গিয়েছে ঝ'রে।

ধূপছায়া

তবু আজ আমি এতটুকু দুখী নই,
তোমার ভোলার মাঝারেতে বেন কেবলি জাগিয়া রই ।
রাতের কাজল ফেলেছ ধুইয়া র'য়ে গেছে অঁাখি-ভারা,
সে অঁাখি-ভারায় মিশে আছি আমি হ'য়ে আছি ভাই সারা ।

নূতন কাঁচর পরেছ পুরানো বুকু,
মোর লাগি প্রেম বাসা বেঁধে যেথা কেঁপেছে ঝড়ের দুখে ।
বাসি মেহেদীর রঙ ধুইয়াছ র'য়ে গেছে ঠোঁটখানা,
ফুটেছিলো যেথা “ভুলিয়া তোমায় একদিনো বাঁচিব না ।”

রাতে পোড়া ধূপ ফেলে দিলে ঘর হ'তে,
ভুলিতে পারো কি আশটুকু তা'র সারাদিন কোনোমতে ?
অপারের বুকু মাথা রেখে যবে তন্দ্রা-বিলোল্ অঁাখি,
দুঃস্বপনেতে হেরিয়া আমায় চমকিবে থাকি থাকি ।
ভাবিবে যখন নব-অতিথিরে—নাইবা পড়িল মনে
জেগে রব আমি ধূপছায়া সম তোমাদেরই একজনে ।

বাসন্তী-পূজার বিসর্জনের দিন

‘অস্তাচল’—মধুপুর

১৩৩৮

ধূপছায়া

পাহাড়িয়া নদী

চাষী-মোড়লের মেয়ে

উছলিয়া রূপ ঝ'রে পড়ে যেন কাজলা কলস বেয়ে ।
কচি-কলা-পাত্, রঙের মিহিন্ জোলা সাদী ভালবাসে,
কথা কয় কম কখন কেমন ঠোঁটের কোণায় হাসে ।

পাগলীর মতো মাঝে মাঝে কেন হয়—

ফুঁপাইয়া কেঁদে চুল ছিঁড়ি নিজ ভুঁয়ে গড়াগড়ি যায় ।
মাতা তা'র বলে “পোড়ামুখী তোর কি হ'লো বলনা ওরে,
লেগেছে কোথাও ? বকেছে কি কেউ ? লক্ষ্মীটি বল মোরে ।

হায় হায় ও-মা ছিঁড়িস্ কোঁকড়া চুল !

ধূলায় লুটাস্ চাঁদপানা মুখ গাল্ দু'টি তুল্ তুল্ !
সেদিন মেলায় সাধ ক'রে তুই কিনলি পুঁতির মালা,
নিজ হাতে তুই গুঁড়ালি সেগুলো ? ভাঙলি কাচের বালা ?

মেয়ে শুধু কাঁদে বুকে দুলে ঢেউ, থর থর ঠোঁট তা'র,
ভোরের বাতাসে কাঁপে দোপাটির দু'টি পাঁপড়ির ভার ।
ছোট ভাইটি সে ছল্ ছল্ চোখে 'দিদি' ব'লে ছুটে আসে,
বরষায় ভেজা দোপাটির চুমো লাগে তা'র ঠোঁট পাশে ।
অঁচলের কোণে চোখ মুছে মাতা পাড়া পড়শীরে বলে,
পীরের দুয়ারে সিন্নি মাগিয়া সকাল বিকাল চলে ।

ধূপছারা

পাহাড়িয়া নদী

গাঁয়ের ছেলেরা অবাক্ নয়নে চাহে তা'র মুখপানে,
ভোম্রার মতো চোখ্ দু'টো তা'র ওঝার মস্ত্র জানে ।

বলে তা'রা—ও-ষে, পাহাড়ীয়া নদীজল
শুক্রে ঝাঁখির ঝালুচরে তা'র নামে বান কল-কল্ ।
চপলার মতো ফিক্ ফিক্ হালি চেয়ে,
গেঁয়ো ভাই বলে কাঁদলে সে নাকি আরো সুন্দর যেয়ে ।

সাঁঝের বেলায় জল নিতে দীঘি পথে
ফুঁপাইয়া কাঁদে,—কলস গড়ায়ে প'ড়ে যায় কাঁধ্ হ'তে ।
মেঘ-ডম্বর সাড়ীখানি প'রে সাঁঝাকাশ দেখে চেয়ে—
শাপ্লার শাকে চাঁদমুখ রেখে কাঁদে মোড়লের মেয়ে ।
রাখালের বুকে ভাটিয়ালা জাগে চোখেতে স্বপন মায়া,
কচুপাতা কাঁকে থমকিয়া হেরে দীঘিতে চাঁদের ছায়া ।

প্রজাপতি পিছে হেথা হোথা ছুটে কাঁটা গাছ পায়ে দলে,
কাঁটার পাশেতে ঝ'রে পড়ে ফুল তা'র চরণের তলে ।

প্রজাপতি হায় হারায় পাতার কাঁকে,
“মাগো-মাগো” বলে কেঁদে উঠে মেয়ে মেঠো পথটির কাঁকে ।
বাব্লার ছায়ে নামাইয়া টোকা ভাবে কৃষাণের ছেলে,
এলো বুঝি আজ বাসস্তীরাগী মায়া-অঞ্চল মেলে ।

ওই দু'টি রাঙা চরণের পরশনে,
চষা মাটি ভেদি জাগিবে লক্ষ্মী ফুলে ফলে ধানে ধনে ।

ধূপছায়া

নিঝুম ছুপুয়ে ফলসা তলার পথ দিয়ে চলে মেয়ে,
কোঁচড়ের কা'র ফলগুলি নীচে পড়ে আঁচলায় যেয়ে ।
গাঁয়ের সে সেরা দস্তি কিশোর ভাবে ব'সে উঁচু ডালে,
উষার কপালে রাঙা সূর্যিটি—সিন্দুর ওই ভালে ।

সরু সরু টানা ভুরু দু'টি বাঁকা বাঁকা,
গেঁয়ো নদীটির আবছায়া তীর মেঘ দিয়ে যেন আঁকা ।
জলজলে দু'টি কামনার গ্রহ বড় বড় আঁখি তা'র,
ও-কি ও প্রদীপ মায়া-কাননের ? আলো কি-ও আলোয়ার ?

কিশোর-কুশাণ ভাবে ক্ষেতে ব'সে কা'র তরে মেয়ে কাঁদে,
কা'র তনুখান্ কোমল লতায় দৃঢ় ক'রে এত বাঁধে !
আমি কি সে জন ? তাই হ'বো আমি, তাই বুঝি হ'বে হ'বে,—
কেমনে তা' হ'বে ? এ পোড়া কপালে কেমনে সে মণি র'বে ?
দিষ্টি তা'র নীচু পাকা মউয়ার দুই ভাঁড় মদ নিয়ে,
বুক তা'র উঁচু গেঁও কিশোরের তিল তিল প্রাণ দিয়ে ।
পদ্ম নিঙাড়ি গালছুটি তা'র মধুমাখা তুল্ তুলে,
তা'রি পানে ছুটে ভ্রমরের প্রাণ বার বার পথ ভুলে ।
অশ্রুতে তা'র জড়ায়ে চরণ কিশোর ভ্রমর মরে,
সে শুধু আসে না ষা'র লাগি জল কিশোরীর চোখে ঝরে ।

পাহাড়ীয়া নদী তর্ তর্ ষার বেয়ে,
আঁকা বাঁকা মেঠো পথ দিয়ে চলে চাষী-মোড়লের মেয়ে ।

পাহাড়িয়া নদী

জানে না সে তাঁর বালুচর বুকে কত নদী ব'য়ে এসে
হারিয়েছে হায় নিঃশেষ হ'য়ে তপ্ত বালুর দেশে।

পাহাড়ী নদীর বান ডাকে মাঝে মাঝে,
কা'র তরে তবে ? কোন্ সে লাজুক কিশোরের বুকে বাজে ?
ছোট গাঁওটির কোন্ পথপাশে কোন্ শিউলির বনে,
লাজুক তারটি মালা গাঁথে আর ছিঁড়ে ফেলে আনমনে !
কোন্ উদাসীর পাতার ভেঁপুর সবুজ সুরটি এসে,
চুমুক দিলরে সুখের কলসে খেয়ালের স্রোতে ভেসে !
ফেলিয়া সে সুখ কলস বুড়ালো সরিয়ে পদ্মদলে,
ভ'রে নিল হায় মোড়লের মেয়ে একরাশ অঁাখিজলে।



ধূপছায়া

দেবদাসী

আমি এক দেবদাসী,
নিপ্রাণ ওই শিলার ঠাকুরে
আ-জনম আমি আ-জীবন ভালোবাসি ।
সন্ধ্যা সকাল সিনান করিয়া
পরি এ অঙ্গে কৃষ্ণ-নীলাম্বরী,
শ্বেত-চন্দন, মেহেদীর লাল
এ অধরে ভালে প্রতিদিন উঠে ভরি ।
রাশি চুল মোর বাঁধি চূড়া ক'রে
সরু ক'রে টানি কাজল এ আঁধি কোণে,
রেশমী সূতার কাঁচলীর সনে
বাঁধি যৌবন-আকুলিত মোর মনে ।

ধূপছায়া

দেবদাসী

প্রতি সন্ধ্যায় সাজায়ে আরতি
চরণে চরণে নুপুরের তুলি রোল,
শত কিশোরের বুক বাজে ধ্বনি
আশার দোলায় ঝগেকের লাগে দোল ।
এ আঁখির ঠারে নিৰ্ব্বাণ ওই
পাষণ দেবেরে শতবার হানি বাণ,
এ রূপের মোর সাজায়ে দীপালী
হাসিয়া নাচিয়া মিলনের গাহি গান ।
হায় মোর বাণ বিঁধে না পাষণে
বিঁধে নিৰ্ম্মম শত মানুষের প্রাণ,
এ রূপের দীপ হেরে না কো শিলা
দহে তা'র শিখা কিশোরের তনুখান ।

আমি এক দেবদাসী,
এ রূপ, এ তনু—বৌবন ভোগ
বিকায়েছি দেবে, দিয়েছি কামা হাসি ।
কতো না ভ্রমর অন্ধ হয়েছে
হেরি এ বুকের সুখিকার শতনরী,
ফিরায়েছি তা'রে বার বার আমি—
এ তনু বেড়িয়া কাঁদিয়াছে মরি মরি ।
এ বুকের তলে গুমরিয়া মরে—
রক্তেতে কাঁদে অনন্ত কুখা মোর,
ছি ছি মহাপাপ ! তবু তুলি কই ?
ঘিরে আসে মোর তিমিরের ঘন ঘোর ।

ধূপছায়া

• উড়িয়ে অঁচল বাঁকাইয়া তনু
নর্তকী বেশে নতি দেই দেবতায়,
সে নতি আমার বর বার হয়
নামে গিরে ওই মানুষের জনতায় ।
একি হ'লো মোর, ওগো ও ঠাকুর—
ক'দি নির্জনে বিগ্রহে ধ'রে বুকু,
ওকি ফুটে উঠে ? কা'র চাহনি ও ?
মানুষের মুখ হেরি দেবতার মুখে ?
হায় হায় আজি মরিয়াছি আমি
এ দেহের মাঝে দেবদাসী আর নাই,
পৃথিবীর কুখা বাঁধিয়াছে বাসা
দিবারাতি হাঁকে “দাও দাও আরো চাই ।”

চতুর্দশীর চাঁদ

গাঙের জলে পড়তো চাঁদের ছবি,
চেয়ে চেয়ে তাহার পানে প্রথম হ'লাম কবি।
এমনি ক'রে নদীর তীরে কতো নিঝুম রাতে,
দেখা তাহার সাথে।
ফাগুন দিনের উতল হাওয়া লাগলে বুকের তলে,
মধুর হেসে উঠতো ছলে ভরা গাঙের জলে।

এমনি সেদিন শুরুরা তিথির ছিলো চতুর্দশী,
আজও বুকে স্মৃতি তাহার উঠে যে উচ্ছ্বসি।
বন্ধে যেন মউয়া পাকার লাগলো নেশার রেশ,
আমার মাঝে আমার সেদিন প্রথম হ'ল শেষ।
গাগরী মোর ভাসাই সেদিন উছল গাঙের 'পরে,
রূপসী সেই চাঁদে আমি ভরি কলস ক'রে।

চতুর্দশীর চাঁদ

কলস আনি ঘরে,
অঁধার সেথায় প্রেতের মতন কুটিল হান্ধ করে ।
রাখি আমার কলস খানি, খুঁজি আমার চাঁদ,
খুঁজি কোথায় লুকিয়ে আমার এই জীবনের সাধ ।
কোথায় সে চাঁদ ? জড়িয়ে বুকে কলস মাঝার হায়,
এনেছি এই অশ্রুমাণি,—ব্যথার সাহানায় ।
এনেছি হায় কলস ভ'রে ব্যর্থ-বিষের জ্বালা,
জ্যোৎস্না ব'লে এনেছি এই অন্ধকারের মালা ।

আজকে আমার ঘনায় অমা ছায়া,
অশ্রুতলে হায়রে তবু পূর্ণ চাঁদের মায়া ।



পাগলী

আম ধ'রেছে গাঁয়ের গাছে গাছে,
তা'রি তলে ক্যাল্ফেলিয়ে পাগলী মেয়ে।

ক্যান্-বা চেয়ে আছে।

পাগলী চলে গাঁয়ের পথে বাপ্‌সা আঁখির জলে,
বকুল বনের তলে ;

সন্ধ্যা দাঁড়ায় বৈরাগিনী গেরুয়া বসন প'রে

আঁচলখানি মউয়া কুলে ভ'রে—

দিনের শেষে পল্লীবধু যে দীপ ছালায় ধরে

তা'রি শিখার 'পরে ।

ছপুর বেলা পাঠশালার ওই পাশে

ছেলে মেয়ে জটলা করে ফল্‌সা পাড়ার আশে ;—

পাগলী সেথা ছোট্ট ঝোপের কোণে,

লুকিয়ে অমন দেখছে কি একমনে ?

চোখ দু'টো তা'র আঁধুন সম জ্বলে পাতার কাঁকে

গভীর ভীতি আঁকে ;

ছেলে মেয়ে চেষ্টিয়ে ওঠে দেখতে তা'রে পেয়ে

লুকায় কোথা যেয়ে ।

ধূপছায়া

বোশেখ মাসের ভোরে,
খোকা রবির সোনার হাসি গাঙের ঝলে
পড়ে যখন ঝ'রে—

গাঁয়ের মেয়ে আসে নানান্ দলে,
শিবের পূজার ফুল ভাসিয়ে ঝাঝরে গৃহে চ'লে ।
পাগলী তখন দাঁড়িয়ে থাকে একটি ধারে তা'র
বাঁধ ভেঙেছে কে আজিকে তাহার বেদনার ।
কোন্ মা আজি উঠলো কেঁদে,—তা'দেরই একটিকে
চুমোর 'পরে দেখে সে চুমো বাহর ঝাঁখে ঘিরে ।

আধ্-কোটা ফুল ছোট্ট গাঁয়ের মেয়ে
রইল কেমন ফ্যাল্ ফেলিয়ে তাহার পানে চেয়ে,—
'মা' 'মা' ব'লে কাঁদলো মেয়ে যত,
'আমি যে তো'র মা রে রেণু' পাগলী বলে তত ।
গোল্ শুনেরে আসলো ছুটে মেয়ের মায়ে,
পাগলীটারে দূর ক'রে মা মেয়েরে তা'র
ঘিরলো অঁচুল ছায়ে ।
পাড়ার সবাই বললো “ও তো ঘোষের বাড়ীর মিপু
নয়কো রেণুবালা,—”
জবাব শুনে পাগলী মায়ের বাড়লো বুকের ছালা ।

পাগলী

অট্টহেসে ছিঁড়লো মাথার চুল,
পাড়লো গালি কল্লো—“তোরা করবি তবু ভুল ?
হতভাগা, চিনিয়ে নিবি তোরা ?
রেণু আমার খেলতো ঘেরে ফল্‌সা গাছের গোড়া ।
গাঙের বুকে সাঁঝের বেলা জলে চাঁদের আলো,
রেণু আমার তার চেয়ে যে ভালো ।
ফিরিয়ে দেবে পোড়ার-মুখী মুখে মুড়ো ছালা,
আমার রেণুবালা ।”

শ্মশান-ঘাটে ছোট্ট শ'য়ের মাঝে,
পাগলী জাগে রাত্রি যখন মরছে দিনের লাজে ।
অট্টহেসে চিতায় চুমু খায়,
বনের ফুলে মালা গেঁথে গাঁয়ের পথে যায় ।
থেকে থেকে ডুকরে কাঁদে বুড়ো শিবের ভলে,
ফুলের মালায় ছিন্ন ক'রে ডুবায় নদীর জলে ।
শিবকে বলে “ফিরিয়ে দেবে ভণ্ড বেটা শনি,—
আমার রেণুমনি ।”

—*—

ধূপছায়া

সাথী

কাল-বোশেখী ঝড়ের রাতে আমার ধ্রুবতারা,
জানি আমার পাগল বুকের পেলিনে তুই সাড়া ।
বিষম রোলে ঝড় উঠেছে সারা হৃদয় ভ'রে,
ব্যর্থতার এ আঁধার বনে ইচ্ছা উতল করে ।
ঝড়ের রাতে হাসে শুধু একটি ছোট তারা,
তাহার পানে চেয়ে চেয়ে জীবন করি সারা ।

হৃদয় হেরি কাল-বোশেখের রাতি
ফুঁ পিয়ে কাঁদে—‘আয়রে ওরে সাথী আমার সাথী ।’
বুকের বাঁশী শূন্যে পেলি ? কাঁদলো গিয়ে সুর ?
বললে আমি কেমন করে ভরিয়ে রাখি দূর ?
সকল দূরে ভরি যে গো দীর্ঘ বুকের শ্বাসে,
ভরি আমার ব্যথার ব্যথী অশ্রু-মালার রাশে ।

আকুল করা বাসনা মোর পুড়িয়ে ফেলি যত,
প্রবাল সম উঠে জেগে ভেম্নি শত শত ।
অন্ধকারে ফুকরি গো ভেঙে দুখের বাঁধ,—
‘আয় গো আমার বুকের সাথী চতুর্দশীর চাঁদ ।’

সাথী

ওগো আমার মায়ামুগ ! ওগো জীবন-আলো !
ওই দু'টা তোর আঁখির দিঠি এমনি কি ধারালো ?
ঘিরে তোরে মন্ততা মোর গুম্বরে কাঁদি উঠে,
অশ্রু আমার ধলে কি ওই চরণতলে লুটে ?
শুন্তে পেলি বড়ের মুখে জাগলো যে সাঁই সাঁই ?
সেই যে আমার বুকের ধনি 'নাইরে ওরে নাই ।'
ভয়ঙ্করা ভীষণ বেশে কালো মেঘের তল,
বুকফাটা মোর আনলো ওরে, আঁখির লোনা জল ।

হাহাকারের তপ্ত খাসে বিতান হ'লো মরু,
ক্রৌঞ্চ মিথুন্ লুকায় ভরে শুষ্ক হ'লো তরু ।
স্তব্ধ মাঠের বন্ধ চিরে জাগলো যে 'মোর সাথী,—
আসবে না কি জীবনে মোর শুরুা তিথির রাতি ?'

কৃষ্ণাণ-ব'য়ের গান

ঘর্ ঘর্ ঘর্ চরকা ঘোরে জাগে সূতোর বাণ,
রাত জাগিয়া চরকা কাটি বেলায় ভাঙি ধান ।
হেঁসেল্ সারি উঠান্ নিকাই খালা বাসন মাজি,
আমায় তবু বল্বে না কি মস্ত কাজের কাজি ?
কৃষ্ণাণ আমার হালের যেতে যখন ধরে তান,
দোষ দিও না বেড়ার ফাঁকে বাড়াই যদি কাণ ।
ভাত রান্তে মিহিন্ সুরে কেবল জাগে গান,
রাত জাগিয়া চরকা কাটি বেলায় ভাঙি ধান ।
সন্ধ্যা সকাল নদীর ঘাটে যাইগো স্বরা করি,
'কল্মীলতা' সখীর সনে হাসি পরাণ ভরি ।
ক্ষণে ক্ষণে আনমনা হই চেয়ে মাঠের পানে,
আসলো কিনা কৃষ্ণাণ আমার ছোট মেয়ের টানে ।
একটু রাতেই ঘুমায় খুকী বাপ্ আদুরে মেয়ে,
আমার মনে কথার তুফান ওঠে যে বুক ছেয়ে ।

ঘর্ ঘর্ ঘর্ চরকা ঘোরে বয়রে সূতোর বান,
রাত জাগিয়া চরকা কাটি বেলায় ভাঙি ধান ।

কৃষ্ণাণ-ব'য়ের গান

জ্যোৎস্না-সায়র জলের তলে ডুব্‌লো ধরা-রাণী,
ভুল ক'রে কাক্-কোকিল গাহে ভোর-বেলাকার বাণী।
চাঁদের সনে হেসে হেসে শাপলা লতা খুন,
বাতাসরে আজ করলো সে কোন্‌ রাতের ফুলে গুণ।
চাঁদের আলোয় অঙ্গ মেলে নীহার রাজার ক'ণে,
গাছের পাতায় মুক্তো মাণিক জড়ায় যে আনমনে।
কৃষ্ণাণ আমার জাগো ! জাগো ! রাতের বায়ু বয়,
কেন যে মোর মনে আজি অনেক কথা কয়।

ঘর্ ঘর্ ঘর্ চরকা ঘোরে বয়রে সূতোর বাণ,
রাত জাগিয়া চরকা কাটি বেলায় ভাঙি ধান।
চরকা চাকায় ঘোরে আমার দুঃখ সুখের রাতি,
'চরকা আমার স্বামী পুত্‌ চরকা আমার নাতি।'

চরকা চাকার বাসছি ভালো সইছে না কি প্রাণে ?
সতীন্‌ তোমার ডাক্‌ছে ওগো ! ডাক্‌ছে নানান্‌ ভানে
কুঠীর কোণে ক্ষীণ আলোকে তুলার পাঁজ্রে টানি,
লক্ষ্মীরে আজ সরু সূতোয় বাঁধছি ঘরে আনি।
জাগু'রে কৃষ্ণাণ, এমন রাতের হয় যে অপমান,
ঘর্ ঘর্ ঘর্ চরকা ঘোরে সূতোয় জাগে বান।

হুতুম প্যাচায় ডাক দিয়েছে ওই সুপারী বনে,
'বউ কথা কও' বাবলা শাখে ডাকছে অকারণে ।
ঝিম্ ঝিম্ ঝিম্ ডাকছে কিঁ কিঁ ঘুমায় মেঠো পথ,
নীরব দেবের ভাঙলো বুঝি ভাঙলো হেথা রথ ।
আমার মনে জাগছে যে আজ কথার মহা-বান,
রাত জাগিয়া চরকা কাটি বেলায় ভাঙি ধান ।

ডুল

ভূধর ধরে যেথা নভের নীল সাড়ী
নভ সে নীচ মুখে হাসে,—
তাহার পদতলে নিঝুম দাঁড়ায়েছে
নগর দু'টি দুই পাশে ।

পূবের নগরের রাজার এক মেয়ে
বাজায় বীণা জলধারে,
রাজার ছেলে এক সোনার হরিণীয়ে
খুঁজিয়া ফেরে পরপারে ।

রাজার মেয়ে একা পথের পাশে বসি
মৃদুল সুরে গাহে গান,
রাজার ছেলেটির ইহারি ছোঁয়া লেগে
পরান করে আন্টান্ ।

শিকারী পথভুলে কাজল এলো চুলে
 নয়ন কোণে মরে যুরে,
 মালিনী চাঁপা ভাবি আঙুল বিঁধে নিজ
 বেদন জাগে হৃদিপুরে ।

মাঁকের ছায়া ববে উদাসী ফেরে পথে
 গেরুয়া বাস পরি পায়,
 রাজার ছেলে একা ফিরিয়া যায় ঘরে
 মূপুর বাজে পায়ে পায়ে ।

* * *

নদীর পূর্ব-পারে উছলে কলহাসি
 নিশান্ উড়ে ঘরে ঘরে ।
 রাজার এক মেয়ে অতীব ধূমধামে
 বোশেখী ত্রত আজ করে ।

সেখানে জড়সড় বসিয়া রাজপাটে
 কুমার নদীপারবাসী ।
 ক'নের সখী তা'রে ডাকিলে অন্দরে
 প্রসাদে উঠে হাসাহাসি ।

রাজার পরিষদে সবার আঁথিকোণে
 হাসিটি নাচে ফিরে ফিরে ।
 অন্ত-শির লাজে কুমার ভয়ে ভয়ে
 মাটিতে আঁথি রাখে ধীরে ।

উঠিয়া রাজাদেশে সখীর পিছে পিছে
বলীর ছাগ সম চলে ।

সোহাগে রাজ-ক'ণে ধরিলে হাত দু'টি
লুকায় সখী কোন্‌ ছলে ।

কুমারী খোঁপা হ'তে তুলিয়া ফুলমালা
হাসিয়া তা'রে ছুড়ে মারে,
কুমার নত আঁখি আবীর-রাঙা মুখে
ভাঙিয়া পড়ে লাজ্‌ ভারে ।

ছলানী কেঁধে দেয় অলক সযতনে
পরায় মনিময় হারে,
সোহাগে হেসে কেঁদে চরণে হাত রেখে
বলে সে ভালোবাসে তা'রে ।

তুলিয়া ধরে বালা আনত মুখখানি
পাতায় ঢাকা ফুল সম ।
বুকের নীপবনে বাঁধিয়া বাহুপাশে
কুমারী বলে—‘প্রিয়তম’ ।

হৃদয় যাচে হৃদি হায়রে রাজবালা
খুঁজিয়া আজি তাই ফিরে ।
হেরে সে আনমনা কুমার ভাবে কি যে
নয়ন ভাসে তা'র নীরে ।

*

*

*

বরষ তাঁ'র পরে ফিরেছে স্নান মুখে
কাঁদেনি বীণা বনে বনে,
হরিণ খুঁজে খুঁজে নদীর পারে কেহ
ছিলে নি নিজ হৃদি সনে ।

বনের বুক ছেয়ে কুসুম ফুটে ঝরে
মালায় গাঁথে নাই কেহ ।
রচে নি কেহ গান বৃথাই ঝ'রে গেছে
আকুল বাদলের স্নেহ ।

সেদিন রাত্তি শেষে সানাই বেহাগেতে
পূবের দেশ হ'তে বাজে ।
আকাশ ছেয়ে যেন রঙিন পাখী উড়ে
নগর পতাকায় সাজে ।

নদীর পূব-পারে মহান্ উৎসবে
বিবাহে এলো নব বর ।
রাজার এক মেয়ে দিয়েছে মালা কা'রে
জীবনে করি নির্ভর ।

এপারেঃপশ্চিমে রাজার এক ছেলে
মুগয়া গেছে রাত্তি শেষে,
মাথায় মণি বেঁধে বনের উৎসবে
কুমার চলে বর-বেশে ।

সন্ধ্যা এলে নেমে ওপারে আলো শত
 নদীর কোলে উঠে চলে,
 এপারে নদীজলে আঁধারে আঁধি বলে
 কাছার ঘন কালো চলে ।

হরিণ দলে দলে আজিকে গধ ভুলে
 বীরের দেহে এসে পড়ে ;
 শৃগাল ঘন বনে ধমুক টানি আনে
 আঁধারে আঁধি তয় করে ।

ওপারে পিক্বালা ফাগুন বাসরেতে
 মধুর গাহে—‘কুহ কুহ’ ।
 এপারে একা বসি ব্যথার খরতাপে
 কোকিল কাঁদে—‘উহ উহ’ ।

সেদিন রাতি শেষে রাজার মেয়ে স্নানে
 নদীর বায় তীরে তীরে ;
 কমল ফোটা এক ঘাটের কোলে দূরে
 নাচিয়া ওঠে ধীরে ধীরে ।

ভুল

শৃগাল দল বাঁধি সেথায় ভিড় করে
বাতাস কাঁপে কলরবে ।
রাজার মেয়ে বলে— “কমল আনি তুলে
আরগো আয় সখি সবে ।”

তখনো নভকোণ হাসেনি সোনালোকে
রাতের স্মৃতি দোলে জলে,—
রাজার মেয়ে সেথা সাঁতারি সবা আগে
কপোল রাখে ফুল তলে ।

চমকি উঠে একি ! কমল নহে'তো এ !
এ কেউ ডুবে গেছে রাতে ?
উষার আলো হেরে দুইটি রাঙা ফুল
ছলিয়া উঠে সাথে সাথে ।

রাতের শেষ স্মৃতি নভের শেষ তারা
বিদায় বেলা পিছু চায়,
নয়ন ছলছলি বিদেশী পথিক সে
বনের পথে নেমে যায় ।

সখীরা বলে “একি ! ক'নের মোতিহার
শবের বাঁধা কালো কেশে !
শবের মুখে ছি ! ছি ! রাখিস্ মুখখানি
এ কোন্ খেলা তোর শেষে ।”

ধূপছারা

বিধুরা তটিনী সে অশ্রু-আল্পনা
 নীরবে আঁকে নদীকূলে ;
 রাজার মেয়ে মরে বাথার স্রোতে ডুবে
 শবের সাথে উঠে ছলে ।

অরুণ স্ব'লে মরে নগরবাসী হেরে
 কিনারে দুটি ঝরা ফুল,
 নীরব ভাষা ফুটে 'ওগো ও প্রিয়তমে
 জীবনে গাঁথিয়াছি ভুল ।

মরণ দুয়ারেতে সে মালা ছিঁড়িয়াছে
 সে ফুল পড়িয়াছে ঝ'রে,
 কালের স্রোতে দৌঁছে নূতন বাঁধি গান
 নূতন মালা গলে প'রে ।'

এপারবাসী ক'নে ওপারবাসী বর
 মিলন মাঝে নদী জলে ;
 আলোর সাথে আজ পারের বন-ছায়ে
 মিতালি নদী কল কলে ।

পরিচয়

মরমের তলে তলে

নিশীথে ব্যথার বীণার রাগিণী বাজি উঠে পলে পলে ।
দিনের আলোকে কক্ষে ধরনী লুকায় রাতের চাঁদে,
শত আঁধি হ'তে আড়াল করিয়া রাখি এ ব্যর্থ সাধে ।
খোঁবন মোর ফোটে ফোটে যবে ভ্রমর গিয়েছে উড়ে,
কি হবে আমার এত ব্যথা নিয়ে সারাটি হৃদয় জুড়ে !
বল্ সখী বল্ রূপের জোয়ার জল
শ্মশানের ছাই বুকে নিয়ে মোর করে আজো টলমল ?

চাহিতে পারিনা চোখে চোখে কা'রো সনে,
মানুষের ঘারে হিয়া খর খর কাঁপে কোন্ অকারণে ।
সারাটি দিবস কাজের মদিরা কণ্ঠ ভরিয়া পিয়ে
আপনারে আমি ছাড়িয়া রয়েছি বুকের যাতনা নিয়ে ।
যে মোরে শুধায় 'ওগো উদাসিনি, বল তব পরিচয়',
কি আমি কহিব সে কথা তো আর মুখে বলিবার নয় ।
ছিলো পরিচয় সৌখির সিঁদূর, বাহুতে সোনার বালা,
আঁখিতে আছিল তিমির কাজল, অলকে কুসুম মালা ।
দু'হাতে বাজিত শুভ কঙ্কণ,—কৃষ্ণ-কলিকা সাড়ী
শ্রীঅঙ্গ ঘেরি বাতাসে নাচিত পরিচয় উচ্চারি ।

ধূপছায়া

নিবে গেছে হায় এয়োতির অরুণিমা,
 ডুবেছে তিমির অমাবস্যায় মোর জীবনের সীমা ।
 ভেঙেছে আমার হাতের কাঁকণ, ছিঁড়েছে খোঁপার ফুল,
 মালা শুকায়েছে, কাজল ছেড়েছে আঁখির নদীর কূল ।
 সেই নদী দিয়ে ভাসিয়া গিয়েছে ভালের সিঁদূর টিপ,
 ঘন-কুহেলিয়া মরণের পথে বহিয়া স্মৃতির দীপ ।
 সেই সাথে মোর যত পরিচয় তাহাও গিয়াছে ভাসি,
 একা মালা গাঁথি লইয়া আমার অশ্রুজলের রাশি ।

কনকচাঁপা

সাধ ক'রে তার নাম রেখেছি 'কনক চাঁপা' ফুল,
গাঁয়ের ছেলে বলতো কালো বুকের বুল্‌বুল্‌ ।

কালো সে কি সত্যি কালো ?

সেই যে আমার কালোর আলো ;

তাই তো বলি কনক চাঁপা

তাইতো করি ভুল ।

'চাঁদের আলো'র আঁচলাতে তা'র ছড়ায় এলোচুল

'কনক চাঁপা'র ফুটলো কলি ছুটলো অলিদল,
রূপ ঝাণের ঐ মদিরে তার পরাণ টলমল্‌ ।

বসন্ত তার আন্‌লো ঘারে

অথৈ জোয়ার দেহের পারে ;

অরুণ আলোয় রাঙলো তাহার

ছোট্ট কপোল তল্‌ ।

সোনার চাঁপা সোনার আলোয় হাসলো খলখল্‌ ।

ধূপছায়া

পরান ভারেই বাসুলো ভালো সবার চেয়ে সেরা,
ভাবি তাহার ঠোঁট দুটিতে স্বপন আছে ঘেরা ।

পরান আমার তাহার পাশে

ছুটে বেড়ায় কিসের আশে ;

ভ্রমর সম গুঞ্জরি তা'র

নিতুই চলাফেরা ।

রামধনুর ওই রঙের চেয়ে ঠোঁটদুটি তার সেরা ।

কিশোরী সে মুগ্ধ গানে মুগ্ধ পাখীর ডাকে,
রাখাল ছেলের মেঠো সুরে মুগ্ধ বেড়ার ফাঁকে ।

উঠান্ তাহার পরশ তলে

হাসছে আজি ফুলে ফলে ;

মুগ্ধ আজি মেঠো সে পথ

দীঘির বাঁকে বাঁকে ।

সে যেন রে বসুন্ধরায় মোহাঞ্চলে ঢাকে ।

আলতা পায়ৈ সন্ধ্যাবেলা পূজার ডালা হাতে,

চণ্ডীতলায় যেত সে যে একটুখানি রাতে ।

দুঃখ-ভীরু কপোত সম

উঠতো কেঁপে পরান মম ;

পিয়াল সম উঠতো নেচে

তার সে নয়নপাতে ।

পরান আমার নেচে কেঁদে ফিরতো তারই সাথে ।

কনকচাঁপা

বঠের গলায় জড়িয়ে ওঠে সুমুখে ঘনলতা,
তার সে রূপের জড়িয়ে তরু জাগে আমার ব্যথা ।

আঁচলাতে তার চাবি বাঁধা
ভাবে আমার মানস রাখা—
বন্ধ আছে পল্লী মায়ের

গোপন মাণিক কোথা !

ছোট্ট টোটের কাঁপনটুকু জাগায় ব্যাকুলতা ।

এমনি সে এক বোশেখ মাসে হঠাৎ দেখি তার,
বন্ধ হ'লো বাহির হওয়া কুটীর আঙিনার ।

তার যে শিবের পূজার তরে
সাজাই কুম্ভ ধরে ধরে ;
চোখের জলে তিজিয়ে কেলি

সুরো পুকুর ধার ।

গাঁয়ের পথে চলা কেবল বন্ধ হ'লো তা'র ।

তার পরে যে কতোদিনের কাঁপা কাঁপা ছপূর বেলা,
উদাস চেয়ে মাঠের ধারে বাঁধি স্বপন মেলা ।

কৌচড় ভ'রে কাঁচা আমে
দাঁড়াই তারই ঘরের বামে,
বাঁশীর বুকে কাণ্ডা তুলে

করি সুরের খেলা ।

কাজের ছলে 'উঁকি দিয়ে' যেজে ছপূর বেলা ।

খুগছারা

এমনি সে এক দুর্যোগেতে বড় বাদলের ভোরে,
বেহাগ সুরের সানাই শুনে কাঁদি ঘুমের ঘোরে ।

সেদিন মাঠে দিবা রাত্তি
বাঁশীটি মোর হ'লো সাথী,
পরের দিনে দেখি ক'নে

পান্ধী গেলো চ'ড়ে,
দোরের ফাঁকে দেখি দুটি অশ্রু পড়ে ঝ'রে ।

হিংসা লাগি উঠলো স্ব'লে আমার সারা প্রাণ,
লাঠি হাতে চললুম বরে করতে খান্‌খান্ ।

ছুটে গিয়ে পান্ধী পাছে
কখন বসি পথের মাঝে,
হঠাৎ বুঝি পড়লো মনে

অশ্রু কণা দান !

হারালে সে পথের বাঁকে ব্যথার জাগে বান ।

দুপুর বেলা চলি গাঁয়ে 'কনকচাঁপা' ব'লে,
তুলসীতলা শুরু তাহার শুরু 'ঝারা' কোলে ।

দু'চোখ আমার উঠলো ভ'রে
তুলসী তলে পড়লো ঝ'রে,
ভিজলো তাহার শুরু মাটি

ভিজলো চোখের জলে,
অভিमानে ভেঙে বাঁশী ফেললুম দীঘি-তলে ।

ধূপছায়া

কনকটাগা

মুখটি কি তার ভুলতে পারি ? আজও চোখের জলে
পাস্তা ভাতের কাঁসীতে মোর মুন যায়রে গ'লে ।

জল ছাঁচতে মূলোর বনে
ভাঙলো ডোঙা পড়লো মনে—
আজকে যে সেই 'বিশে বোশেখ'
যায়রে শুধু চ'লে ।

ছুটে আমি দাঁড়াই গে ত'র শূন্য আঙিন্ তলে ।

সে ছিলো মোর পদ্মপাতার প্রিয় মুকুটখানি,
গভীর রাতে বাঁশীর বুকে ছিলো সুরের রাণী ।

মাঠে ব'সে ভাবতে তা'রে
হারাই গাভী বনের ধারে ;
ঝড়ের রাতে মুখটি যে তা'র
বজ্র গেলো হানি ।

ছলছল তা'র চোখ দু'টি যে সব—হারাণো বাণী !

তা'র তরে মোর তৈরী ঘরে হুড়ুম চালের মুড়ি,
উড়কী ধানের মুড়কী যে আজ একটি ভরা বুড়ি ।

কাঁচা মিঠে আমের ঝাড়ে
গাছগুলো আর সইতে নারে,
ফলসা পাকা শুকিয়ে যে যায়

করে না কেউ চুরি ।

দীঘির বুকে ঝ'রে যে যায় পদ্ম ফুলের কুঁড়ি ।

ধূপছায়া

আসবে না আর ? বাপের ভিটায় আসবে না আর ঘিরে ?
ইচ্ছা করে মরিগে আজ দীঘির কালো নীরে ।

দীঘিতে সেই সোনার মেয়ে—

সকাল সাঁঝে ডুব্তো যেয়ে,

কাজল দীঘির জলেতে তা'র

সোহাগ আছে ঘিরে ।

ইচ্ছা করে সারা জীবন ঘুমাই দীঘির নীরে ।

—*—

‘কুঁড়ির ভিতর কাঁদিছে গন্ধ’

শরতের আলো নিবে আসে ধীরে নিবে আসে হায় হায়,
বনপাখী বলে “বিদায় বিদায় বনের ব্যাকুল বায় ।”
নির্ঝর বলে “যাই যাই যাই শেষ হ’লো মোর গান,”
সাদা মেঘখানা শেষ আশাটুকু তা’রো আজ অবসান ।

শেষ হালি যুথী বাঁধি এলোকেশে

শরতের রাণী চলে দূর দেশে,

পায়ে পায়ে বাজে ঝিঁঝিঁর নূপুর মেঠো পথে অভিযান ;
বনানীর পথে মিলাইয়া যায় বরা-শেফালীর গান ।

দাঁড়া দাঁড়া তোরা দাঁড়া একটুকু বুকে মোর আছে গান,
স্বপনের সাথে রাঙা-কামনার কুঁড়ি মাঝে কাঁদে ভ্রাণ ।
ফেলে যাস্নে গো পথের ধূলায় ফেলে যাস্নে গো তা’রে,
ফুটিতে সে চায় ক্ষণেকের তরে ভাঙিয়া অন্ধকারে ।

শীতের কুয়াসা নামে নীলাকাশে

শিহরিয়া উঠে কুঁড়ি সে তরাসে ;

কেঁদে বলে “হায়, বুকে মোর ভ্রাণ র’য়ে গেলো নবরাগে,
দাঁড়া ওগো দাঁড়া শেষ কলি গান গেয়ে নি বরার আগে ।

হায়, ভুলিতে হয়

হায়, ভুলিতে হয় !

ব্যথার ভাদর নীর উছলি হৃদয় তীর
 ঐশি কোণে বুরু বুরু নীরবে বয় ।
বাবুলার শাখে শাখে সবুজের ফাঁকে ফাঁকে
 গোধূলির আলো বলে 'যাইরে বাই'—
ধরণীর স্নেহ-কোলে দিবসের স্মৃতি ব'লে
 কণ তরে ঠাই তা'র আর যে নাই ।
এ ধূলার ঘরে যারা যুগে যুগে হ'লো হারা
 ধূলা কি সে বহে স্মৃতি সে পরিচয় ?
 হায়, ভুলিতে হয় !

হায়, ভুলিতে হয় !

নদী হাসে খল্ খল্ স্মরণের শতদল
 হারাইয়া যায় কতো হয় সে লয় ।
সাহারার মরু 'পরে চাতক কাঁদিয়া মরে
 'আকাশের জল কোথা ফটিক জল'—
এ ফটিক জল বিনা মনে হয় বাঁচিবেনা
 বেঁচে তবু থাকে হায় ধরণী তল ।
একদিন যা'র তরে এ জীবন বুঝি মরে
 পরদিন ছাড়ি তা'রে বাঁচিয়া রয় !
 হায়, ভুলিতে হয় !

ধূপছায়া

হায়, ভুলিতে হয়

হায়, ভুলিতে হয় !

চপলার স্মৃতিটুকু কতোকাল ধুকু ধুকু

গগনের হৃদি ছেয়ে জাগিয়া রয় !

জ্যৈষ্ঠের রবি করে ধরণী পুড়িয়া মরে

হারাইয়া যায় তার সকল আশ্ ;

আবার আঘাট এলে দাঁড়ানো অলক মেলে

যৌবন ভরা মুখে মাধুরী রাশ ।

আজ যা'র ছবি আঁকা বুকে মোর বেঁচে থাকা

ভুলে তারে কাল দেহ শ্মশানে নয় ।

হায়, ভুলিতে হয় !

—#—

বিলাসিনী প্রেম

দিবসের আয়ু শেষ হয় ধীরে পশ্চিম নভ-কোণে,
রাঙা মেঘ সেথা উড়ে যায় হেসে বাতাসের সনে সনে ।
চুন বালি ইটে গাঁথা আছে হেথা মানুষের প্রাণটুকু,
জীবনের দীপ নিবে আসে তা'র খেমে আসে ধুকু ধুকু ।
রাঙা মেঘ সম শিয়রেতে তা'র হাসে মুখপানে ফিরে
বিলাসিনী প্রেম—লাল ক'রে ঠোঁট অভাগার বুক চিরে ।
নেমে আসে ঘরে সাঁঝের আঁধার জ্বলে নাকো দীপশিখা
অভাগার ভালে এঁকে দেয় প্রেম মৃত্যুর ললাটিকা ।

ছনিয়ার ঘরে ব্যথার দীর্ঘশ্বাসে
নিবে প্রাণ-দীপ মিটি মিটি জ্বলে তিমির আঁধার রাশে ।
দপ্ ক'রে উঠে শেষ শিখাটুকু সব সাধ ভুলে যায়,
একরাশ জ্বালা শূন্যেতে তার কেঁদে উঠে—‘হায় হায় ।’

—*—

পোষ আসে ওই

পোষ আসে ওই—বাংলা দেশের চাষী !

তোর স্বপনের ধানের শিখে ভরলো সোনার হাসি ;

বাংলা দেশের চাষী ।

গাঙের ঘাটে লক্ষ্মীরানীর নাওখানি আজ লাগে,

লক্ষ্মী আসে—মাঠের বৃকে সোনার তুফান জাগে ।

কৃষাণী বউ কোথায় রে তোর শাঁখ ?

ঝিউড়ি কোথা ? আলোচালের আল্পনা কই ঐক !

ছেঁড়া মেঘের কাঁথায় শুয়ে শীর্ণ চাঁদের কায়া

বনের ধারে মেলতে ছিলো বিষাদ কালো ছায়া ।

পোষ আসে ওই তৃপ্তি নামে চাষার দু'চোখ জুড়ে,

চাঁদ উঠে আজ মোহন হেসে বসলো প্রাসাদ চূড়ে ।

তৃপ্তি নামে চাষার দু'চোখ জুড়ে ।

ফুটিফাটা মাটির বৃকেই ফললো সোণার ফল,

পাঁজরা গোণা বৃকের মাঝেই সোহাগ অচঞ্চল ।

বনের মেয়ে পাড় বৃনে আজ তরুণতার শিরে,

গাঁয়ের নদী আল্পনা দেয় গাঁয়ের দু'দিক ঘিরে ।

উঠান্ ছেয়ে উঠলো ভ'রে কাল-কাস্তুন্দে ফুলে,

ঘরের চালে নাউর ডাঁটা পড়ছে বুলে বুলে ।

ধূপছায়া

বৌ-বি কোথা ? কোথায় চাষীর জন ?

মনের গোলায় ভরবি নে গো সোনা হাসির ধন ?

কোথায় চাষীর জন ?

পোষ্ আসে ওই—চাষা ও-তোর ফল্বে অভিলাষ,—

নাভ্ নি কোলে দাওয়ায় ব'সে ছঁকা টানার আশ্ ;

ও-তোর ফল্বে অভিলাষ ।

গরুর গাড়ীর উপর ব'সে পোষ্ আসে তোর ঘারে,

কৃষাণী-বউ হলু দে আজ মোছ্ রে অশ্রুধারে ।

পোষ্ আসে তোর ঘারে ।

'ইতু' পূজার 'উয়্ যুগ' কই ? কচি হাতের আল্পনা ?

পরবি নে আজ আলতা পায়ে মেয়ে ও মায় দুইজন ?

বেঁচে থাকাই মিথ্যে যখন—মোছ্ রে চোখের জল,

পোষ্ আসে ওই, হেসে নে তুই—ওইটুকু সম্বল ।

মোছ্ রে চোখের জল ।

—*—

মুসাফীর

তোমরা আমারে চিনিবে না ভাই আমি এক মুসাফীর,
ধরণীর পথে সম্বল মোর দু'টি ফোঁটা অঁাখিনীর ।
দুনিয়ার বরে বহুদিন হ'লো হারিয়া পাশার খেলা,
সব-হারানোর ব্যাথাটুকু নিয়ে ভাসানু জীবন-ভেলা ।
কৃষ্ণা-তিথির কাস্তুর মতো ক্ষীণ চাঁদ ধুকু ধুকু,
আমারে হেরিয়া যক্ষ্মা রোগীর হাসে য়ান হাসিটুকু ।

চরণের তলে ধূলিরাশি বলে—‘ভাই,
এনেছিস্ কিছু ? দু'টো হাসি গান—তাও বুঝি তোমার নাই ?
আমি বলি নাই, কিছু মোর নাই নাই,
বন্ধের মাঝে জড়াইয়া যারে বলি আজ তোমা চাই—
কাঙাল নয়ন দেখে বাহুতলে হারায়েছে তার কায়া,
ক্ষুধা-দানবের চোখে মুখে কাঁদে না-পাওয়ার কালো ছায়া ।
নিঃস্ব ফকির বেয়ে চলে ভেলাখানি,
জন্মের গাঁও পিছে ফেলে চলে নৃত্যর রাজধানী ।

হারিয়েছি সব হারাইনি তবু ব্যর্থ বিষের জ্বালা,
তারে ছাড়ি তবু সে কি ছাড়ে মোরে ? সে যে আছে মাল্য ।
আজো স্মৃতি বুকে নাচে রুণু রুণু এ কোন্ নূতন চণ্ডে,
রাঙা অঁাচলা সে রাঙা হ'লো আরও আমারি ব্যথার রঙে ।

শ্রাবণের মেঘে ছেয়ে যায় নভ করে জল বুর বুর,
বুকে মোর ঘিরে বাথার ঘনিমা ভেসে যায় হৃদি-পুর ।
সরোবর জলে হেরি মোর মুখে ও-কার মুখের ছবি ?
নয়নে আমার নিভে যায় হায় চন্দ্র-তারকা-রবি ।

শ্রাবণ-আকাশে মেঘ-রোদ হেরি বিস্ময় লাগে মোরে,
মেঘ চুল এলি হাতছানি দিয়ে ডাকে কি সে নভ-দোরে ?
চামেলীর বনে ফাগুন বাতাস বহে ঝির ঝির ঝির,
পিছু হেরি বৃথা—ডাকে কি সে কেউ 'মুসাফীর মুসাফীর !'

সে যে ভাই আলো নেবানো দীপের মোর,
আলোকে সে হাসে জীবন আমার যদিও অঁধার ঘোর ।
ধূলায় কুসুম শুকায় আমার তবুও শ্রাবণের রাশি,
আকাশে বাতাসে আকুল আবেগে অকূলে চলেরে ভাসি ।
বুক মোর জ্বলে সে জ্বালার 'পরে জাগেরে বুকের শ্রাবণ,
দেহ মোর মরে তা'রি শ'য়ে বাঁচে অমৃতপুত্র প্রাণ ।

-*-

অবুঝা

চাহে কে আমারে—চাহে না কে মোরে যেন
ব্যথিত হৃদয় বুঝিতে পারে না কেন ?

এত কি দুঃস্বপ্ন কথা ?

মোর তরে তার বুকে নাই ব্যাকুলতা ।
জাগে নাই রাতি আঁচলে প্রদীপ ঢাকি,
মালঞ্চ ফুল ফুটে নাই মোরে ডাকি ।
ব্যর্থ হয়েছে অটল নয়ন-লোর,
চির তরে তারে ভুলে যেতে হ'বে মোর ।

এই তো সহজ কথা,

বুঝে না যে হিয়া এত কি সে জটিলতা !
বুঝে আর সব,—কাজল চোখের মায়া,
সোনা বাঁধা বাছ, ফুলধনু হেন কায়া ।
চল্‌চলে কালো কপালে সিঁদুর টিপ,
ব্যথার আঁধারে ছালে সে মাধুরী দীপ ।
কালো কবরীতে জড়ায় বিজলীলতা,
এলো চুলে ঝরে ভীকু বাদলের ব্যথা ।
আরো কত কিছু সহজে বুঝিতে পারে,
সে আমার নহে—এ কথা বুঝিতে পারে ।

—*—

ধূপছায়া

দেয়ালী

দেয়ালীর ওই ঝাল্‌ছো আলো সারা আঙিন্‌ ভ'রে ।
কিশোরী ওই আনন ছেয়ে
দীপের আলো উঠ্‌ছে গেয়ে,
আলোর ছোঁয়া লাগিয়ে দে যাও একটি ক'রে ক'রে ।
প্রদীপ ঝলে আঙিন্‌ ভ'রে ।

হেথায় আমি দাঁড়িয়ে হেরি তিমির আকাশ তলে,
আঁধার রাহু নিবিড় ক'রে
ধরার তনু জড়িয়ে ধরে,—
ধরার মেয়ে ফুঁপিয়ে উঠে হারার সংজ্ঞা বলে ।
দাঁড়াই আঁধার আকাশ তলে ।

দূর হ'তে আজ হেরি তোমার আলোর মালাটিরে ।
তোমার সাড়ী ডুরের মত
আমার চোখের দৃষ্টি শত
ঘেরি তোমায় অন্তহারা মরছে ঘুরে ফিরে ।
হেরি আলোর মালাটিরে ।

ধূপছায়া

দেয়ালী

ভিজ়ে চুল্লের বাঁধছে এলো ? যাকনা খোঁপা খুলে ।

তার সাথে কি বাঁধছে মোরে ?

অশ্রু আমার রাখছে ভ'রে ?

সারা জীবন কাঁদবো আমি তোমার দেহ-কূলে ?

তোমার যাকনা খোঁপা খুলে ।

ওকি ! আবার ঘরের চূড়ে জ্বালছে আরো দীপ ?

অঁধার কোথা ? তবু আবার

প্রদীপ জ্বালো সিঁড়ির ছ'ধার ?

দুধ্-আল্‌তায় আবার অঁকো কালো খয়ের টিপ ?

তুমি জ্বালছে আরো দীপ ?

বুকের কাপড় দিচ্ছ টেনে লাগ্‌ছে তবু তাত্ ?

আগুনের ওই দাহন শুধু

বুকে তোমার করছে ধু ধু ?

চৌদ্দ-প্রদীপ হাতে তবু বন্ধে অমা-রাত ?

বুকে লাগ্‌ছে শুধু তাত্ ?

কিশোরী ওই আনো আনো শেষের প্রদীপখানি ।

তৃপ্তি-হারা এই মরমে

অঁধার আছে অনেক জ'মে,

হেথায় তোমার একটি দীপে ফুটবে বিজয়-বাণী ।

হেথায় আনো প্রদীপখানি ।

—*—

ধূপছারা

আমি শুধু গাই কামনার যত গান

আমি শুধু গাই কামনার যত গান ।

রিক্ত মানুষ—ভালোবাসি আমি সারা মনপ্রাণ ঢেলে ;

যে দিয়েছে বুকে অনন্ত ক্ষুধা কামনার দীপ ছেলে,

যে দিয়েছে মোর সব স্বপনেরে সব গোপনেরে

ভাঙিয়া চরণতলে,

তারি লাগি মোর সব দেবত্ব—তারি লাগি মোর

পরম আত্মারে

ডুবিয়েছি আজ কামনার মোর দুর্দমনীয় গরলের কল্লোলে ।

আজি তাই ঢালি কবিতার বুকে গলায়ে গলায়ে প্রাণ,

আমি শুধু গাই কামনার যত গান ।

আমি গাই যত বিশ্বের এই তৃপ্তিহারার গান ।

নব-সৃষ্টির আদিম প্রভাতে এসে

রাহু-মুখ হ'তে ক্ষুধিত কামের বাণী

চঞ্চল গতি এক রাশ ঘন ধূম্রের বেশে বিশ্বের বুকে মেশে ।

তারপর হ'তে যত নর নারী—পশু পাখী আর

যত আছে জীব প্রাণী,

তান্ত্রিক সাজি দেহের দেউলে পূজা করে ব'সে

কামনার এই রাণী ।

আমি শুধু গাই কামনার যত গান

আজি তাই আমি ভালোবাসি যারে—

ভালোবাসি যা'র কায়া,

ভালোবাসি মোর আকুলিত যত ইচ্ছিয়ত্ব দিয়ে ।

কামনার রাশি নিয়ে

ভালোবাসি তার অণু পরমাণু,

ভালোবাসি তার সবটুকু ঘিরে আমি ।

মর-জীবনের ক্ষণে ক্ষণে এই মৃত্যুর মহাদুখে

পলে পলে আজ অনুভব করি বুকে—

অমরত্বের কিছু নাহি মোর—দেবতা তো নহি আমি,

বেদনার দহে অভিশপ্ত এ মানুষ অতীব কামো ।

আমি আজ তাই ভালোবাসি তার-দেহ-উত্তাপ

প্রতি লোম-কূপ জুড়ে ।

ঘেরি তার তনু বসনেতে ঐক্য কাজল রেখাটি হয়ে

অস্ত-হারাণো তৃপ্তি-হারাণো পাশ্বরে আমি

মরি শুধু ঘুরে ঘুরে ।

বিজ্রোহিতায় ভ'রে ওঠে মোর প্রাণ—

গেয়ে উঠি আজ কামনার মদে মত্ত মাতাল যৌবন জয়গান ।

মহা-আকাঙ্ক্ষা আগুনেতে পুড়ে পুড়ে

অসহায় নর কাঁদে তার দেহ-পুরে ;

তিল্ তিল্ করি জীবনের হয় অবসান—অবসান ।

আমি শুধু গাই কামনার যত গান ।

—*—

ধূপছায়া

নদী ও তারা

অমাবস্কার অঁধার গগনে হেসে ওঠে এক তারা,
আমি ব'য়ে চলি পাহাড়ী নদীর চঞ্চল জলধারা ।
পিছু হ'তে হাঁকে ভাদরের জল আসে সঙ্গীত রেশ,
দূর অজয়ের বালুর শ্মশানে জীবনের করি শেষ ।

আমার বুকের অসীম অঁধার 'পরে

দূর আকাশের তারকার আলো জ্বল্ জ্বল্ জ্বল্ করে ।
ডাকি 'আয় তারা, ঘনালো অঁধার, আয় সূদূরের সাথী ;
কঁাদে শ্রোত 'আয়, বিদায়ের ক্ষণ—জীবনের শেষ রাতি ।'

গগনের পরে হেসে লুটে তারা আপনার আলো নিয়ে,
মরি ধীরে ধীরে অঁধারের দেশে আলোকের বিষ পিয়ে ।
আকাশের তারা হেসে গান গেয়ে খুঁজে দেখে কোথা চাঁদ,
মনে পড়ে কবে আলোকের বানে ভাঙবে অঁধার-বাঁধ ।
অজয়ের ধূ ধূ বালুর চরায় ক্ষীণ শ্রোত কেঁদে উঠে,
অঁধারের কোলে শেষ বুঝুদে সূদূরের তারা ফুটে ।

—*—

যুক্তি

আজকে এমন ফুর্ ফুরে এই বাতাস গায়ে মেখে
ইচ্ছা করে বলি তোদের বুকের কাছে ঘেঁসে বসে থেকে
দু'টো আমার অশ্রু সজল কথা ।

মেট্রো টকো ফিলিম দেখে বুকে তোরা জমাস্ কতো ব্যথা ;
ছোট সুখের ছোট দুখের জীবন যখন লাগেনা আর ভালো
চড়া নদীর হঠাৎ ভীষণ বানের মতো

এমনিতর বিষম জোরালো

মিছের হাতে দুঃখ হাসি আনিস্ তোরা কিনে ।

গার্বো কেমন মিষ্টি ভরা—

গিলবার্ট সে কেমন যেন ভাবতে চমৎকার,

মিথো মধুর হাসি কাঁদা, উদাস চোখের চাওয়া,

রাখিস্ তাদের চিনে ।

আমার যে ভাই ইতিহাসের জীর্ণ দু'টো পুঁতি,

সোনার জলের লিখন দিয়ে ভরা

রেশমী বাঁধা ফাইন গেট্ আপ্—

নভেল নাটক নয়তো এ আর

দু'চার বুড়ি মিঠে মিঠে মিথো বোঝাই করা ।

এবার বলি তবে :—

আমি তখন স্কটসেতে থার্ড-ইয়ারে মাস তিনেকের তরে

ফিলসফির অনার্স নিয়ে পড়তে ঢুকি সবে ।

হঠাৎ কেমন তিনটি দিনের জ্বরে
 বড় বড় স্মল্ পক্ষে সারাটা গা গেলো আমার ভ'রে ।
 প্রথম কয়েকদিনে
 যখন তখন দু'চার ডজন বন্ধু আমার নিয়েছিলো খোঁজ
 টেলিফোনের রিঙে ।

দিন দশেকের পরে ।

মরণটা মোর চোখের আগে
 বিকট হাসি উঠলো রে ভাই হেসে—
 'এম বি' যখন বিজ্ঞানের এই অসারতায় প্রমান করা শেষে
 অসহায় এ নবের দুখে ভক্ত হ'লো যুক্ত দু'টি করে ।

শুন্তে পেলুম সবার মুখে মুখে—
 একটি জনও নেয়নি আমার খোঁজ,
 টেলিফোনেও হয়নি দুখী কেহই আমার এমনতর দুখে ।
 ধ'রে নিলুম ঝাঁচে,
 টেলিফোনের তারের ভিতর গুড়ি মেরে বিছাতেরই মতো
 হয়তো বা সব বাঁজানু-দল অটুট হ'য়ে বাঁচে ।
 তখনও ভাই চোখের তারায় ছিলো আলোক ভ'রে ।
 দাঁড়া, দাঁড়া, একটু দাঁড়া—বুকের তলে ফুটছে কি এ ?
 ওপরটা নয়—ওপরটা নয়—ভেতরটা ভাই উঠছে

কেমন ক'রে ।

বলতে আমায় বারণ করিস্ ? না ভাই বলতে আমায় হবে,
 কেমন করে কতোটুকু দুঃখ নিয়ে অন্ধ হলাম কবে ।

ধূপছায়া

মুক্তি

ভাবতে আজও সারা মনে ঘনায় আমার বাথা ।

আসতো যদি সেই !

জানিস্ তো সে কোন্ ?

পড়ছে মনে ?

ভুলিস্ নি যে দশ বছরের কথা ?

আসতো যদি ভাই—

আসতো যদি গালি দিতেও আমার দোরের পাশে

হৃদয় আমার আজও যারে গভীর ভালোবাসে ।

আসতো যদি অসুখ বিসুখ ঘেরি

শেষ লগ্নে একটি সেকেণ্ড তরে,

আলো-পূজার বিসর্জনী বাজতে যখন একটুখানি দেবী ।

ভাবিস্ তোরা—কি আর হ'তো এলে ?

সত্যি তো ভাই কি আর হ'তো এলে !

তাহার চেয়ে আমি বরং

দেখে নিতাম্ যদি

আকাশ ছেয়ে কেমন ক'রে উড়ছে পাখী, কেমন গায়ে রঙ ;

কেমন ক'রে কোন্ পথেতে আসছে তা'রা,

কোথায় আবার চলে !

ক্রান্ত হ'লে কেমন ক'রে ছড়িয়ে দু'টো ডানা

সুর জাগিয়ে মেঠো মেয়ের ঘারে,

ভিক্ষা মাগে স্তব্ধ দীঘির ধারে

একটুখানি জলে ।

ধূপছায়া

আরো তখন দেখে নিতাম যদি
 কেমন ক'রে কাঁদে মানুষ, কেমন ক'রে হাসে,
 কেমন ক'রে লাজুক মেয়ে গভীর ভালোবাসে !
 কেমন ক'রে চোখের তারা উঠে তাহার নেচে
 কেমন ক'রে অশ্রু উঠে ফুটে !
 কেমন ক'রে মুখটি বুজে অন্ধকারে থাকতে জানে বেঁচে
 দোসর ক'রে মৃত্যুটির
 সারা হৃদয় টুটে !

অমন করিস কেন ?

দীর্ঘনিশাস ফেলিস নে মোর দুখে,—

তোদের নিঃশ্বাসেতে যেন

কান্না চেয়ে আকুল করা ভাষা

অমাবস্কার আঁধার সম গভীর ভালোবাসা

ফুঁপিয়ে ওঠে হাহাকারি শূণ্য আমার বুকে ।

ভুলে গেলুম আমি,—

এক্ষুনি কি বলতে ছিলাম ঘেরে ?

সত্যিকথা, পড়ছে মনে—আসতো যদি ভাই

হৃদয় ভ'রে দেখে নিতাম দৃষ্টি দিয়ে ঘেরে ।

এ জীবনে যা কিছু মোর নয়ন মেলে হৃদয় মেলে দেখা,

দুঃখ শোকের হাতে আমার পাওনা দেনা

যা কিছু সব আছে,—

হাতে তাহার দিতাম আমি ভুলে ।

মুক্তি

আলোকে মোর বিদায় দিতাম যখন
সারা জীবন অন্ধ হ'য়ে বেঁচে থাকার দুঃখ যেতাম ভুলে ।

আনলো না আর সে ।

তিনটি দিবস সংজ্ঞাহারার দেশে
ঘুরে যখন এলাম ফিরে এই পৃথিবীর দ্বারে,
কান্না পেলো—কোথায় এলাম আমি ?
নিতল্ এ কোন্ পাতালপুরীর গভীর অন্ধকারে ?
আনলো আমায় কে ?
কাঁপিয়েছিলাম অন্ধকারে ভীষণ গলায় ডেকে—
মাগো আমি আজও মরিনি গো ।
কোথায় সবাই ? ঘুমাচ্ছ কি ? জাগো সবাই জাগো !
তোলো গো এই সজীব প্রাণী বন্ধ কবর থেকে ।
ঘরের আলো ফিউস্ হ'লো না কি ?
তখন তা'রে একটি বারের তরে
অসহায়ের স্মৃতি নিয়ে উঠেছিলাম ডাকি ।

বাড়িয়ে দেওয়া হাত দু'খানির মাঝে
খানিক পরে চম্কে আমি উঠি—
কাহার যেন হৃদয় ভরা দুটি
হস্ত কোমল রাজে ।
ঠোঁটের 'পরে পড়লো আমার
একটি ফোঁটা উষ্ণ লোনা'জল ।

ধূপছায়া

অন্ধকারেও চিন্তে আমার হয়নি কিছু দেবী,
বুকে নিলাম মায়ের বুকে ব্যথার তুফান ঘেরি
সহ-তরী করেছে টলমল ।

ধীরে ধীরে মেনে নিলাম শেষে,
জীবনে মোর আলোর কুসুম শুকিয়ে গেছে যখন
এবার হ'তে গাঁথতে হ'বে অন্ধকারের মালা,—
দুঃখ করা বৃথা আমার আলোয় ভালোবেসে ।

কাঁদিস্ না কি তুই ?

গলাটা মোর ছেড়ে দিয়ে শাস্ত হ'য়ে একটুখানি শুধু
বস্তু দেখি ভাই ।

অনেক দিনের বন্ধু আমার জানি,
তা' ব'লে কি কথায় কথায় কাঁদতে হ'বে তোকে ?
আমার তো ভাই দশটি বছর ধ'রে
দুঃখে কা'রো হাজার পুড়ে ম'রে
চোখের কোণে জলটুকুনও আন্তে পারি নাই !
হয় কি মনে জানিস্ আমার ?
হয় যে মনে দেউলে হ'য়ে গেছি
অশ্রু দেওয়ার হাতে ।

বুকের তলে গুম্বরে ওঠে ব্যথা,
তবুতো ভাই লাগে না তার একটুখানি চেউ
জীর্ণ আমার আঁখির দু'টি ঘাটে ।

মুক্তি

এমনি আমার বুকের কাছে নিবিড় হ'য়ে আরও
চুপটি ক'রে বসতো দেখি ভাই ।

পেয়ে তোকে আজকে আমার অনেকদিনের পরে
মনের দুয়ার গেলো যে ভাই হঠাৎ ভেঙে প'ড়ে ।
আমার মতো চক্ষু মুদে চুপটি ক'রে শোনু,
ক্রাইমেন্সের জায়গাটুকুন জীবন নাটকের
তোর কাছেতে পড়তে এবার চাই ।

অন্ধ হ'বার মাস ছয়েকের পরে ।

সবার মনে দিনের দিনে দুঃখ শোকের রাশি
পোষের হাওয়ায় শিউলি গাছের পাতাগুলোর মতো,
গেলো যখন ক'রে,—

আমরা তখন পূজার সময় মস্ত দলের সাথে
দার্জিলিঙে গেলাম মেলে ক'রে
সাড়ে আটটায় রাতে ।

গাড়ী যখন উঠতেছিলো 'শুক্রা' হ'তে ছেড়ে
ঘুরে ফিরে এঁকে বেঁকে এধার ওধার ক'রে,
আমি তখন উল্লসিত চেতনহারা যাত্রীদলের মাঝে
চোখের তলে ঝাঁকুতেছিলাম—মুছতেছিলাম ছবি
হিজিবিজি টানতেছিলাম মনের তুলি ধ'রে ।

কালিদাসের আষাঢ় মাসের প্রথম দিনের কথা,
মেঘের মুখে বার্তা পেয়ে
প্রিয়র দুখে প্রিয়র ব্যাকুলতা—
কল্পনাতে ঝাঁকুতেছিলাম মনে ।

ধূপছায়া

সবার মুখে আবেগভরা ভাষায় শুনে শুনে
বুকের তলে মিলিয়েছিলাম আমি,
ভানুসিংহ ঠাকুর মশাই লেখা
অভ্রভেদী তরঙ্গিত উদাস্ত আর অনুদাস্তের সনে ।

সেখায় গিয়ে একটি ভোরের বেলা
বার্চহিলেতে চুপটি ক'রে বসেছিলাম চাদরখানি মুড়ে,
গাইছিলো গান ডাণ্ডীওলা একটুখানি দূরে ।
দোলনা চ'ড়ে পাহাড়ীদের ছোট্ট ছেলে মেয়ে
হেসে কেঁদে করতেছিলো খেলা ।
হঠাৎ আমি সম্মুখেতে পেলাম রে তার গলা ।
হিমালয়ের ধ্যানে আমি অন্ধকারে মগ্ন ছিলাম যবে
সার্থকতার বাণীটুকুন্ ব'য়ে
উঠলো কথা ক'য়ে ।

চিন্তে পেরে কইলো অনেক কথা ।
ভুলে যাওয়া পুরুষগুলোর দোষ,
তিনখানা তার চিঠির পরেও উত্তর যে
দেইনি আজও আমি,
তারই তরে করলো বিষম রোষ ।
পাগলামীতে জাগলো মনে বলি তাহায় বলি
করণ সুরে চৈঁচিয়ে উঠে কাঁপিয়ে গিরিমালা,
কবির সুরে সুর মিলিয়ে গভীর ব্যথা নিয়ে—
ভুলে থাকা নয়কো সে তো ভোলা,

স্মৃতি

বিস্মরণের মর্মে বসি রক্তে আমার
দিচ্ছ যে গো দোলা ।
তবু আমি রইলু নীরব হ'য়ে
লুকিয়ে থাকি যেমন আমি ছেলেবেলার থেকে
মনের কোণে গোপনমণি ভেঙে ষাবার ভয়ে ।
জড়িয়ে ধ'রে বলে সোহাগ ভরে—
জানো না কি তোমার দেওয়া আঘাতগুলো
লাগে কেমন ক'রে ?
জানো না কি তোমার তরে ভাবনা ভীষণ—
বিষম ব্যাকুলতা ?
তারপরেতে রাশি রাশি প্রশ্নবাণে
ফেলে বিঁধে মোরে :—
কাঞ্চন-জজ্বারে
দেখেছ কি একটি দিনও ভোরে ?
টাইগার-হিলে সান্‌রাইস্‌ কি আজও দেখনিকো ?
ব্যর্থ জনম তবে ।
সেটল্‌ ক'রে ভাবছি যাবো আর এক রাতে
স্কাইটা ক্লিয়ার দেখে,
তারপরেতে নাম্বো মোরা দু'চারটে দিন থেকে ।
টাইগার-হিলে যাচ্ছ তুমি কবে ?
অনেকগুলি মিথ্যাকথার পরে
বল্‌লু তারে—গাওনা একটা গান,
মেঘের বুকে উঠবে জেগে আকুল সুরের বান ।

ধূপছায়া

সেই গানটা সেই—

‘আর কতো কাল রইব ব’সে বধু আমার দুয়ার খুলে।’

মিথ্যে কথা ! এই ক’দিনেই গেলে কি সব ভুলে ?

আচ্ছা তবে আর একটা গান গাও—

আজও আমার বন্ধে যাহা আকুল সুরে বাজে

আজও যাহার দুঃখ টুকুন্ বন্ধে আমার উঠছে টলমলে

‘খুঁজে দেখা পাইনে যাহার পরাণ তবু আছে বলে।’

তার সে মুখের না-বলা আজ অনেক দিনের পরে

সুরের আগুন ছেলে আমার বুকের দু’টি ধারে

ঘুচিয়ে দিলে গভীর অন্ধকারে ।

গানের শেষে শুনছি ব’সে ব’সে

সুরের মশান আগুন দেছে মেঘের বুকে বুকে ।

দূরে—দূরে—কাঁদছে পাহাড়, কাঁদছে যেন মেঘ,

ঠাণ্ডা হাওয়া ফুঁপিয়ে উঠে উঠছে কেঁদে কেঁদে,

একলাটি সে দিচ্ছে পাড়ি সুদূর অভিমুখে ।

হঠাৎ আমার হাতটা ধ’রে বসে বেলা

বেঞ্চি থেকে উঠে—

‘কুড়েমী আর লাগছে না আজ ভালো

এসো আমায় দোল দেবে ওই দোলনাটাতে চ’ড়ে,—

না হয় চলো করবো খেলা মেঘের পিছে পিছে

ফার্ন গাছের কোন্‌ বঁসে ওই ঝাউর পাতা ধ’রে,

কাট্‌ গোলাপের বনে—

মুক্তি

উঁচু নীচু বন-বাদাডের মাঝে,
নাইকো যেথা পায়ের সাড়া—ষায়নি কোনো জনে ।
সেইখানেতে আজকে দু'জনাতে
প্রজাপতির খেলায়-মোরা পাটি হ'য়ে যা'বো ;
রামধনুর ওই দুইটি সীমায় ধ'রে
গাইবো ডুয়েট দিগ্বিদিকে ছুটে ।'

তারপরেতে,—তারপরেতে বল্‌তে গিয়ে
বুকের তলে কাঁপন জেগে উঠে,
হুঃখ আমার উঠ্‌ছে ঘন হ'য়ে ।

তবু আমার মনটা যেন বিছাতেরই মতো
এক নিমেষে স্মৃতির পিছে দার্জিলিঙে ছুটে ।
হোসনে অধীর, বল্‌ছি আমি শোন্ ;
তারপরেতে ভাই—

কান্না চেয়ে করুণ সুরে চৈঁচিয়ে আমি উঠি :—
করছো কি এ তুমি ?

ছাড়ো—ছাড়ো—ছাড়ো আমায় তুমি,
বিষ যে ভীষণ—ম'রে গেলুম, কাল্-কেউটের ফনা
আগুন নিয়ে একি তোমার খেলা ?
তোমায় আমি একটি দিনও বাসি নিতো ভালো !
বলেছি যা সবই মিছে কথা,—
মিছে, মিছে—মিছে আমার নকল ব্যাকুলতা ।
ছাড়ো ছাড়ো, লক্ষ্মীটি মোর পায়ে তোমার ধরি,
এবার আমি একটুখানি শান্তি নিয়ে মরি ।

ধূপছায়া

হাতটা ধ'রে বললো বেলা বললো তবু হেসে—
 'বেশ কথা তো—চলো না আজ মরি
 হাতে হাতে হাত রেখে আজ
 পাহাড় থেকে ঝাঁপিয়ে এসো পড়ি ;
 সোনার আলোয় হেসে উঠে
 মেঘের স্রোতে মিলিয়ে যাবো চিরকালের তরে—
 বুক বুক বাঁধন দেওয়া ছোট্ট ছোট্ট তরী ।

তবু আমি কইনি কোনো কথা ।
 চুপটি ক'রে বসেছিলাম মুখটি নীচু ক'রে,
 বুক আমার গুম্বে ছিলো গভীর ব্যাকুলতা,
 মুখে তবু পারি নিকো কইতে কোন কথা ।
 বুকের তলে তখন আমি জেনেছিলাম তা'র
 ঝড়ের সাথে যুক ক'রে ছোট্ট ভীক পাখী
 লুকিয়ে রাঙা মেঘের থরে থরে
 দূরে—দূরে—বহু দূরের দেশে
 সুরের দীপে শেষ শিখাটি মিলিয়ে গেলো—
 ধরায় দিলে ফাঁকী ।
 ধরার মেয়ে কাফন দিলে চাকি,
 কালো সূতায় বোনা সে এক
 অমা-রাতের গভীর অন্ধকার ।

তারপরেতে শোন্ :—

হঠাৎ আমার মুক্তি দিয়ে বেলা

শুক্ৰ

নৌচেষ পথে চল্লো ছুটে ভীষণ জোরে জোরে,
গড়িয়ে পড়া নুড়ির মতো জুতার আওয়াজ ক'রে ।
মগ্ন হ'য়ে মেঘের স্রোতে শুধাই আমি
'কোথায় বেলা—বেলা ?'
যা'রে আমি বিদায় দি'নু উষ্ণ চোখের জলে
ফিরিয়ে আবার কোথায় পাবো তা'রে ?
ডেকে ডেকে হয়েছি হায় সারা
সেই হ'তে আর সারা জীবন পাইনি কোন সাড়া ।
সেইক্ষণে এক ঠাণ্ডা মেঘের কুচো
দেহে মোদের বুলিয়ে কচি হাতে
ছুখ্ জানিয়ে গেলো রে ভাই ব'য়ে ।
লাট সাহেবের বাড়ীর ওদিক হ'তে
হেসে হেসে কথার কল কলে
ম্যালের পানে ফিরলো যেন কা'রা ।

একি আমার হাতের 'পরে
পড়লো কি তোর উষ্ণ চোখের জল ?
মুছে নে চোখ, আমি বরং নীরব হ'য়ে যাই,
আমার তরে এমন ক'রে
চোখের জল আর ফেলিস্ নে কো ভাই ।
তোর। তো ভাই জানিস্ না কো তা'রে,—
কেমন যেন একটু বেশী ভাব-প্রবণা ওপর-চাপা মেয়ে ।
সেদিন তো ভাই রেখে গেছে
অভাগার এই চোখে মুখে সারাটি বুক ছেয়ে

ধূপছায়া

বুকের আগুন তরল ক'রে ঠোঁটের কোণে এনে
অশুষ্টি সে চুমোর ধারে ধারে ।

চুপটি ক'রে ভাবিস্ বুঝি ?

এতে আবার ভাবনা কিসের ছাই !

ভাবিস্ বুঝি বন্ধুটি তোর

নয়কো মানুষ, নয়কো রোমাটিক,

হৃদয় দেওয়ার মূল্যটুকু বুঝতে পারে নাই ।

ভুল করিসনে ভাই ।

ভরা প্রাণের মূল্য আমি

জেনেছি ভাই নিজের পরাণ দিয়ে,

পলে পলে আজও আমি জানতে পারি বুকে—

ছোট্ট বুকে একটি রাশি দুঃখ গেলো নিয়ে ।

পারি নি হায় বলতে তবু

চোখে আমার দৃষ্টি আলো নাই ।

পারি নি কো কেন আমি—এই কথাটা শুধু

বুকের কাছে সরল ক'রে বুঝতে আজও চাই ।

সত্যিকথা,—ঠিক বলেছিন্স ভাই

ভাবের ঘোরে ভুল ক'রেছে সে ।

মুক্তি দিতে খাঁচার ডালা আপন হাতে খুলে,

তপ্ত দু'টি বাহুর বেড়ি ঘিরে

একটি রাশি চুমোর তালি দিয়ে

পাখীকে তার পঙ্গু ক'রে সারা জীবন তরে

গিয়েছে সে বন্দী ক'রে নিজ মনের ভুলে ।

মুক্তি

আঁধার কালো বধূর মতো ব'সে বুকের ধারে
দিবস গুনে আসবে কবে আলো প্রবাস থেকে ।
তৃপ্তিহারা স্তৃপ্তিহারা অনন্ত সে আকুল ক্ষুধা হ'য়ে—
তার ঠোঁটেরই আঁগুনরাশি
আঁধার বুক মরুর তৃষা ল'য়ে
ডুকরে যেন উঠছে কেঁদে করুণ সুরে ডেকে ।
বলিসু তোরা—
ভুললে তবে সত্যিকারের মুক্তি পাওয়া যায় ।
দিবারাতি মুক্তি পেতে চাই,
তবুতো ভাই তা'রে আমি
একটি পলও ভুলতে পারি নাই !
অমন ক'রে ফেলিসুনেরে দীর্ঘ ঘন শ্বাসে ।
দুঃখ আছে কিসে ?
সত্যি ক'রে মুক্তি আমি পাইনি যখন ভাই
তখন তো আর দুঃখ কিছু নাই ।
পাওনা দেনা হিসেব করা বরং ভুলে আজ
হৃদয় তা'রে আগের চেয়ে গভীর ভালোবাসে ।

হানে দুঃখের রাতে

দিবসের কূলে ঘনায় রজনী ঘোর,
জীবন-প্রাসাদে প্রবেশে মরণ-চোর ।
পলে পলে ভাবি তাহারে ভুলিতে হ'বে,
ভুলে যেতে হ'বে দিবসের কলরবে ।
বিস্মরণের দাঁড়িয়ে নদীর বুকে
এ হৃদয় ছিঁড়ি ভাসাবো সে চাঁদ মুখে ।
ভুলে যেতে হ'বে কাজল আঁখির তারা,
এলো চুল বেয়ে ঝ'রে পড়ে রূপ-ধারা ।

সব কলরব থেমে যায় তবু ওরে—
ঝিল্লির গান বাতাসেরে রাখে ভ'রে ।
চিকুরের আলো আঁধারে জ্বলিয়া উঠে,
কালো নয়নের চটুল হাসিটি ফুটে ।
নিবে যায় ধীরে সব কিছু আঁখি পাতে,
শুধু তা'র স্মৃতি হানে দুঃখের রাতে ।

—*—

ধূপছায়া

মেঠো সুর

(ও-তার) কালো রূপের গাঙ্গের জলে

ডুব দিয়া মইরা

হারাইলাম কাঙ্কের কলস

কানায় কানায় ভইরা ।

সেই না গাঙ্গের অগাধ পানি

সাস্তার দিতে নাহি জানি,

কূল নাহি তা'র কিনার নাহি

সে যে বিষম দইরা ।

অঙ্গে তাহার কালো জলের

উছল্ জাগে ঢেউ,

এই কথাটি আমিই জানি

আর জানে না কেউ ।

কিশোরী রূপ ঢেউ তুলে তা'র

ভাঙে আমার বৃকের দু'ধার,

(ও-আমি) কালো বিষের গহিন্ গাঙ্গে রে—

(ও-ফিরি) কূল খুঁইজা মইরা ।

—*—

ধূপছায়া

বিরহী

চরণ যাহার পড়েনি আমার
জীবন-তরুর তলে,
তা'রই লাগি কাঁদে ব্যাকুল বাউল
আকুল পরাণ জলে ।

নয়ন আমার তা'রই লাগি বুঝে
আমা হ'তে যেই আঞ্জো বহু দূরে,
তা'রে চাই আমি যা'রে কোনদিন
পাবো নারে হৃদি তলে ।
তা'রে চাই আমি জীবনে মরণে
তা'রে চাই অঁখি জলে ॥

কামনা-কুসুম সাধ ক'রে আমি
পরেছি আপন গলে ।
বিঁধেছে বন্ধে কাঁটা শুধু তা'র
কেঁদেছি রুধির তলে ॥

—*—

ধূপছায়া

স্মৃতি

জীবনের তীরে নামে কাজল ছায়া
ঘনাইয়ে আসে বুকে দিবস মায়া ।
ওপারের খেয়া মাঝি ডাকে 'আয় আয়
বেচা কেনা শেষ হ'লো পারে যাবি নায় ।'
বুকে দুলে ব্যথা মোর তরণী সনে
কাঁদে ব'সে শত আশা আকুল মনে ॥

সারাদিন যা'রে আমি চেয়েছি বুকে
দোলে তা'র স্মৃতিটুকু বুকের দুখে ।
পাইনিকো তা'রে আমি গাঁথি নাই মালা
সে শুধু বিঁধেছে বুকে কাঁটারই জ্বালা ।
সে নয়ন জেগে আছে এ নয়ন কোণে
তা'রই স্মর কাঁদে বুকে শত মুর্ছনে ।

—*—

ভাই বোন

কোঁকড়া কালো চুলের মাঝে এতটুকু মুখ,
সারা বছর থাকলে চেয়েও হয় না যেন সুখ।
এক বছরের বড় দাদা চার বছরের বোন,
কালো রঙের মস্ত্র দিয়ে বাঁধতে জানে মন।
মাটির পুতুল ছোট দু'টি একটি হাতে গড়া,
এক দেশেরই ভাষায় তাদের চোখ চারিটি ভরা।
সারা দুপুর খেলা তাদের বটের ঝুরি ধ'রে,
কেউবা দোলায় কেউবা দোলে খুসীতে মন ভ'রে।
এমনি ক'রে একই নদীর ছোট দুটি ধারা,
ছড়ার তালে পাশাপাশি ছুটে চলে তা'রা।
বুকে তাদের ভেসে চলে কতো দিবস-নায়,
রাত্রি কতো দিশাহারা খুঁজতে গেলো তায়।

ধূপছারা

ভাই বোন

তারপরেতে একটি নদী বাঁকে সহর পানে
কাঁকন দিদি শশুরবাড়ী গেলো সানাই গানে ।
আর এক নদী ফুল-বাগিচায় কুঁড়ির মায়া নিয়ে,
গান বাঁধলো চলতে পথে ফলের স্বপন দিয়ে ।

কাঁকনদিদি বছর চারেক পরে
হারিয়ে সিঁদূর কোঁটা ভরা ফিরলো গাঁয়ের ঘরে ।
বাসন্তী রঙ সাড়ীতে তা'র নানা রঙের পাড়,
রামধনু এক হাসতো যেন নূতন বনের ধার ।
শীতের বায়ে জাগলো বনে ঝরা পাতার গান,
রামধনু পাড় মিলিয়ে গিয়ে রইলো সাদা থান ।
শীর্ণা বুড়ি কাঁকনদিদি আসলো গাঁয়ে ফিরে,
পলিপড়া নদীটি হায় বইছে ধীরে ধীরে ।

ঘনিয়ে আসে আঁধার অবেলায়
আধ-ফোঁটানো ফুলটি শোনে ঝরার মূর্ছনায় ।

গাঁয়ের যুবা নিরুদাদা তখনও গান গায়,
ভাটিয়ালী গায় সে ডুবে বনের জ্যোছনায় ।
বোনকে বলে “আয়না কাঁকন, সাত্‌রে দিঘীর জলে
ছেলেবেলার মতো আবার আনবো পদ্মদলে ।”
কাঁকন বলে “কাজ কি দাদা ? ফুটবে হাতে কাঁটা,
ফুলের পাশে কালু কেউটে জড়িয়ে আছে ডাঁটা ।”
‘বউ বস্তি’ খেলতে ডাকে গাঁয়ের ছেলে মেয়ে,
কাঁকনদিদি লুকায় ঘরে কাজের ছলে যেয়ে ।

ধূপছায়া

নিরুদার বক্ষে আজও আকুল ফুলের ছাণ,
চোখের তারায় জাগছে আজো ফলের স্বপন গান।
কাঁকনদিদির আঁধার ঘরে চক্ষে জাগে জল,
বুলতে পারে ফুলের গাছে জন্মে নাকো ফল।

শরৎকালে পূর্ণশশী উঠলে ক্ষেতের আলে,
খল্খলিয়ে একশো পাখী হাসে গাছের ডালে।
কাঁটাল গাছের উপর থেকে নামিয়ে বাঁশের বাঁশী,
শুধায় দাদা “চল না কাঁকন, একটু ঘুরে আসি।
গাজর ক্ষেতের আলের পথে পূর্ণ চাঁদের সাথে
চল না কাঁকন, বাঁজিয়ে বাঁশী ফিরবো খানেক রাতে।
ছেলেবেলার মতো সিঁদুর কপালে টিপ একে
নোটন খোঁপা বেঁধে মাথায় জোঙ্গা গায়ে মেখে,
চলনা কাঁকন, লক্ষ্মীটি ভাই, প’রে ‘চাঁদের আলো,’
আকাশের ওই চাঁদের চেয়ে দেখতে হ’বে ভালো।”

“বলতে আছে ? ছি ছি’ ব’লে কানে আঙ্গুল দিয়ে,
ভাকায় কাঁকন তিরস্কারের নীরব বাণী নিয়ে।
ভীক নয়ন নিরুদাদা চায় সে অবাক হ’য়ে,
ভাবনা জাগে এমন কি সে ফেললে নূতন ক’য়ে !
মায়ের চোখের চাউনিটুকু মায়ের চোখের ভাষা,
অকল্যাণী মেয়ের চোখে বাঁধলো গিয়ে বাসা।

তাই যেন

কাঁকনদিদির পানে কেয়ে আজকে মনে জাগে—
জন্ম তাহার নিরুদার বছর কুড়ি আগে ।
কাঁকনদিদির হয়েছে শেষ ফসল কাটার গান,
বছর ভোরে পাওনা দেনা সকল অবসান ।
ঘনিয়েছে তা'র আঁখির কোণে ক্লাস্তিরাশি এসে,
ঘুমাতে চায় মাটির বুকে সারা দিনের শেষে !
নিরুদার মাঠে আজও ফোটে ফুলের কুঁড়ি,
ফসল ফোটার স্বপন আজও আছে বুক জুড়ি ।
কান্তে তাহার আজও নাড়ে বন-বেতসীর ছায়া,
আজও মনে ঘনায় আঘাত ফুল-ফোটানোর মায়া ।
কাঁকনদিদির বিষিয়েছে বুক কল্কে ফুলের বিষে,
চক্ষে জাগে উগ্র স্বালা বিখে আছে মিশে ।
নিরুদা আজও হেরে মূর হ'তে ফুলটিরে,
বিষের খবর জানে না সে বেড়ায় রূপের তীরে ।
আবুহালোকে ব'লে নদীর কূলে
আজও দাদা বাঁশীর ফুঁয়ে দুনিয়ারে যায় ভুলে ।

